

## KERATAN AKHBAR

(Bahagian Perancangan Dan Komunikasi Korporat)

Surat khabar: Utusan Sarawak (Sada Sarawak)

Hari/Tarikh: 12/3/2016

Muka surat: S1

Tajuk : UNIMAS ba tangga ke 2302 tikas antarabansa

# UNIMAS ba tangga ke 2302 tikas antarabansa

**KOTA SAMARAHAN:** Universiti Malaysia Sarawak (UNIMAS) kemari ngerami 475 iku staf ngena Pengerami Anugerah Gemilang (MAGU) ketegai udah ngayanka penyulut lebu meri servis sida sepekerja taun ke udah. Ari semua penyampai nya bisi 123 iku staf UNIMAS nerima Anugerah Servis Nyulut (APC) sereta 151 iku nerima Anugerah Pengangkun Servis (APS) 2015.

Kelimpah ari nya 14 iku agi staf UNIMAS nerima Setipikit Puji Pinchin sereta 73 iku agi nerima Setipikit Puji Bejalaika Pengawa 15 Taun.

Semua anugerah nya disuaka Penulung Sapit Chanselor UNIMAS, Prof. Dato' Dr. Mohamad Kadim Suaidi ngagai sida ke nerima sereta dsiperatika Sapit Kepala Menteri ti mega Pro Chanselor UNIMAS, Datuk Patinggi Tan Sri Alfred Jabu.

Kelimpah ari nya Jabu mega nyuaka Anugerah Pemujur Pegawa, Anugerah Nyulut Main enggau Lumba, Anugerah Staf Dikrapaka Ngatur Pengawa enggau Profesional, Anugerah Inovasyon ICT sereta Anugerah Akademik ngagai 18 iku sida ke nerima.

Lebu bejaku maya pengerami nya Kadim madahka, tuju MAGU ditumbuhka enam taun ke udah dikena miji pengawa ke udah digaga staf universiti nya ba mayuh bengkah pengawa sekalika ba akademik enggau iya ke bukai.

"Kebuah baka nya laban mayuh

amat pemujur udah digaga UNIMAS ke ngasuh iya dikelala ba mata dunya nyengkaum ngatur mayuh bengkah pengawa tuaka program.

"Ba taun ke udah mega bisi meda UNIMAS ngena chara 'Blended Learning' ba pengawa sains ke ngemesaika nama universiti tu," ku iya.

Ku iya, bala lecturer diatu ngemeranka teknologi dikena nentuka mayuh bengkah kus ke diajar setipak enggau teknologi ke nyau majak sophisticated.

"Universiti tu nyau majak tebilang lebu ulih ngubah posisyon ngena Webometrik ari tangga ke 2302 ngagai 2092 di tikas antarabansa ba taun ke udah.

"Ba tikas nasional, UNIMAS diatu ba tangga ke 16 enti dibandingka ba tangga ke 18 ba taun sebedau nya," ku Kadim.

Kadim mega madahka, ketegai UNIMAS udah mayuh amat bejalaika pengawa mansik ngasuh universiti nya bulih 62 bengkah geran ari menua tu empu enggau menua luar.

"Asil ari pengawa ke baka nya UNIMAS bulih 25 bengkah 'recognition' ari tiga bengkah ekspo ke udah disereta.

"Nya kebuah aku ngarapka pemujur pengawa ke udah digaga deka diteruska dikena ngemesaika nama UNIMAS ba mata dunya," ku iya.

Sama bisi enggau maya pengerami nya Chairman Lembaga Pengarah UNIMAS, Datu Dr. Hatta Solhi.

Disediakan oleh: Olivia Ajan

Bahagian Perancangan Dan Komunikasi Korporat